



## SA EXAM PAPERS

---

**YOUR LEADING PAST YEAR EXAM PAPER  
PORTAL**

Visit SA Exam Papers

[www.saexam-papers.co.za](http://www.saexam-papers.co.za)



# basic education

Department:  
Basic Education  
**REPUBLIC OF SOUTH AFRICA**

## SENIOR CERTIFICATE EXAMINATIONS

**SISWATI LULWIMI LWEKUCALA LWEKWENGETA (FAL)**

**LIPHEPHA LEKUCALA (P1)**

**2016**

**EMAMAKI: 80**

**SIKHATSI: Ema-awa 2**

**Leliphepha linemakhasi la-14.**

## TICONDZISO KULABAHOLWAKO

1. Leliphepha lehlukaniswe TIGABA LETINTSATFU:

SIGABA A:	Sivisiso	(30)
SIGABA B:	Sifinyeto	(10)
SIGABA C:	Luhlelo nekusetjentiswa kwelulwimi	(40)
2. Phendvula YONKHE imibuto ngeSiswati.
3. Cala LESO NALESO sigaba ekhiasi LELISHA.
4. Dwwebela ekugcineni kwaleso NALESO sigaba.
5. Tinombolo tetimphendvulo atihambisane naleto letisephepheni lemibuto njengobe tinjalo.
6. Shiya umugca emkhatsini wetimphendvulo takho.
7. Caphelisia sipelingi/lupelomagama nendlela lewakha ngayo imisho.
8. Kwehlukaniswa kwesikhatsi:

SIGABA A:	Emaminithi 50
SIGABA B:	Emaminithi 30
SIGABA C:	Emaminithi 40
9. Bhala ngebunono nangesandla lesifundzekako.

**SIGABA A: SIVISO****UMBUTO 1**

1.1 Fundza letheksthi lelandzelako bese uphendvula imibuto letawulandzela.

**ITHEKSTHI A****KUKLONYELISWA KWAMDZELWA**


- 1 Umuti wakaMvundla bewakhiwe edvute nemfudlana iNkhololo edvute nelibhuloho. Umuntfu lobekadlula kulelibhuloho bekatsi nakaphosa emehlo abone lusizi lodywa nangabe awubuka ngobe bewungatsi yindlu yatsekwane kumbe kutalela tinyoni. KaMvundla bekuhlala mkhulu Mvundla nemntfwanakhe wemfana, Mdzelwa. Banyenti lebebatsi nabendlula 5 kulelibhuloho bakhombane ngalomuti, kushe iuhleko basho nekutsi mhlazana kuyewugcwala lomfudlana emanti atawemuka nabo. Labanye bebauhawukela lomuti. Mdzelwa abengumfana lokhutsele. Bekasebenta enkampanini lebeyenta tingubo tangalapha eBuhleni, kepha lomsebenti abengawutsandzi ngobe abesebenta ahleli phasi sikhatsi lesidze. 10 Lebekakutsandza kakhulu bekukubukana nemlilo nobe usha uvutsa emalangabi langakanani.
- 2 NgaLesihlanu sikhungo seticishamlilo Kabhokweni sacecesha bantfu labasha labangemashumi lamatsattu nemfica njeneticishamlilo. Mdzelwa naye bekayincenyе yalabaceceshiwe esiteshini Kabhokweni. Bandile Khabako 15 imeya yendzawo wakhulumu emcimbini lohleliwe watsi: 'Namuhla setfula licembu lelisha leticishamlilo, loku kutawutfutfukisa kuphepha edolobheni nasemakhaya.' Kulelicembu laboMdzelwa bekunesibalo salabasikati labasitfupha. 'Bengisolo ngifisa kwenta umsebenti lotanginyakatisa ngingahlali phasi sikhatsi lesidze,' kusho Mdzelwa. 20
- 3 Akuphelanga malanga mangaki bacalile kusebenta boMdzelwa, kwatseleka indvodza itewubika kwekutsi dzadzewabo uvaleleke ebhilidini lelishako. Kulaba labasebenta naboMdzelwa kute namunye lowayinaka lendvodza. Lombiko walendvodza wamtsintsa emoyeni Mdzelwa wakhumbula kutsi 25 umsebenti wakhe kutsi aphephise timphilo tebantfu. Kwefika kuye kutsi lincane litfuba lekusindzisa lowo muntfu. Watsatsa imishini yakhe yekuphefumula entfutfwini, wagcoka tingubo takhe tekuvikela emalangabi, wabamba indlela. Nguye loya angena endlini lenelilangabi lelibovu lemilo, entasi intfutfu itse nkhu akubonakali lutfo. Kumnyama khwishi! Mdzelwa uyaphutsata ngetandla wetama kutfola lolomsikati lekutsiwa usekhatsi. 30 Ngemusa weNkhosi wamtfola alele phasi, wambamba wamdvonsela ngaphandle. Kwamangala linyenti lebantfu lebelime khashane litfwele tandla enhloko lekhuta umhlobo. Belingasekho litsembo lekutsi kwanaye Mdzelwa utawuphuma kulamalangabi. Mdzelwa waphuma angakashi ngisho nakancane. 35

- 4 Luphahla Iwendlu Iwaselunyakata selufuna kuwa. Wakhwesha nalona lomsikati lobekangasaphefumuli kahle, wetama kumsita kwekutsi aphefumule ngendlela ye-CPR kwate kfewika i-ambulensi. Belusito Iwekucala bona bamtsatsa bamfaka imishini ye-oksijini bahamba naye bamphefumulisa bamphutfumisa esibhedlela. 40
- 5 Emuva kwemalanga lamibili elashwa esibhedlela saseMbhuleni bodokotela babona kuncono adluliselwe esibhedlela lesikhulu saseJozi, iBharagwane ngobe bekashe kakhulu nentfutfu seyimclimate ngekhatsi emtimbeni. Welashwa khona inyanga yonkhe, elashwa bodokotela labasezingeni leisetulu bakuleli laseNingizimu Afrika wate welulama. Ngendlela abeshe ngayo, abengasakwati kutihambela ngetinyawo takhe. Kwatsi nakufika lusuku Iwekubuyela emuva ekhaya, bodokotela bamnika incola yekuhamba. Wabuya sekahamba ngayo. Sibindzi saMdzelwa samangalisa bantfu bakuleyo ndzawo. Umnakabolomuntfu lomsikati lowasha, wabonga Mdzelwa kutsi lokungenani ukwatile kumkhipha emlilweni bakwati nekutibonela yena 50 asesibhedlela nanobe sekabuyle ekhaya.
- 6 Imeya yelidolobha isandza kumklomelisa Mdzelwa ngemedali yekuba nesibindzi nekutinikela lokungaka ngekuhlenga imphilo yalomunye umuntfu. Lomklomelo lawunikiwe usezingeni leisetulu. Uvamise kutfolwa bantfu labangemachawe labasuke bente lokungaketayeleki, bantfu labente ngetulu kwaloko labacashelwa kona. Ngetulu kwaloko wanikwa nesitifiketi sekumdvumisa ngesento sakhe asandza kuceceshwa. Sento sakhe satiwa naticishamlilo taseNgilandi. Phela loko kwabangwa kutsi labodokotela basesibhedlela saseBharagwane bafune kwati kutsi ngubani lowahlenga lona lomsikati kulelibhilidi. Timfamona letacala naye kusebenta atisambuki 55 ngemehlo lamahle. Manyenti emagama lesekabitwa ngawo lapha emsebentini. 60

[Itsetfwe ephephandzabeni Lilanga laseNatali lamhla ti-23 iNhlaba, Likhasi 30, 2013]

- 1.1.1 Khetsa YINYE imphendvulo. Bangaki bantfu labadvuna labaceceshwa kulelicembu leticishamlilo? Bhekisa imphendvulo yakho etheksthini lengenhla.
- A Bangemashumi lamatsatfu nakutsatfu.  
 B Bangemashumi lamatsatfu nemfica.  
 C Bangemashumi lamatsatfu nakubili.  
 D Bangemashumi lamatsatfu nakunye. (1)
- 1.1.2 Bhala indzawo lapho umuti wakaMvundla bewakhiwe khona? (1)
- 1.1.3 Nika sizatfu lesenta kutsi umuti wakaboMdzelwa bantfu bawuhleke? Bhekisa imphendvulo yakho kuletheksthni lengenhla. (1)
- 1.1.4 Lomklomelo lowatfolwa nguMdzelwa uvame kutfolwa bantfu labanjani? (1)

- 1.1.5 Kuceceshwa kwalaba beticishamlilo bekutawuletsa luphi lusito emmangweni? (2)
- 1.1.6 Yini leyafike yentiwa belusito Iwekucala? Bhala KUBILI. (2)
- 1.1.7 Ucabanga kutsi yini leyabangela lona lomsikati kutsi ayiswe esibhedlela saseBharagwane? (2)
- 1.1.8 Bhala tintfo LETIMBILI Mdzelwa lanikwa tona yimeya emva kwekuhlenga lona lomsikati. (2)
- 1.1.9 Bhala MIBILI imisebenti lebeyisetjentwa nguMdzelwa lebalwe kuletheksthi lengenhla. (2)
- 1.1.10 Ngekubona kwakho yini leyabangela kutsi lendvodza lebeyitewucela lusito inganakwa ngulaba labacisha umlilo? (2)
- 1.1.11 Bhala tintfo LETIMBILI letasetjentiswa nguMdzelwa kusindzisa lolomsikati letikuletheksthi lengenhla. (2)
- 1.1.12 Kungumbo nobe kuliciniso yini kutsi nangabe ukhule uhlupheka ugcina sewuphila kahle? Sekela imphendvulo yakho. (2)
- 1.1.13 Kube bekunguwe Mdzelwa bewungatinikela yini kulelibhilidi lebelisha ngalendllela, nawufundza letheksthi lengenhla? (2)
- 1.1.14 Ngusiphi sifundvo lositfola nangabe ufundza letheksthi lengenhla? Sekela imphendvulo yakho. (2)
- 1.2 Fundzisia lesibonwa bese uphendvula imibuto letawulandzela.

**ITHEKSTHI B**

[Itsetfwe kuMove, 2 Inkhwewehweti 2012]

- 1.2.1 Khetsa imphendvulo yakho. Shano ingoti lengahle ivelele lomntfwana losesitfombeni lesingenhla.
- A Ingoti yekudvonswa yindvwangu.  
B Ingoti yekushiswa litiya.  
C Ingoti yekuwiswa litafula.  
D Ingoti yekuwiswa liwashi. (1)
- 1.2.2 Lelitiya lelinatfwa lapha kulesibonwa langasiphi sikhatsi? (1)
- 1.2.3 Kukhona lokungafani kulabomake lababili? Nika KUBILI kwaloko. (2)
- 1.2.4 Nika KUBILI lokungekho etafuleni kantsi kutidzingo nangabe kunatfwa litiya. (2)

**SAMBA SESIGABA A:** 30

**SIGABA B: SIFINYETO****UMBUTO 2**

Fundza letheksthi lelandzelako bese ubhala tintfo letisikhombisa letimayelana nemasu ekufundzela kuphasa.

**TICONDZISO**

1. Bhala emaphuzu LASIKHOMBISA ngemisho legcwele ngemagama LANGENGCI kula-60.
2. Imisho yakho ayibe netinombolo kusuka ku-1 kuya ku-7.
3. Bhala liphuzu LINYE emshweni ngamunye.
4. Sebentisa emagama AKHO.
5. Khombisa linani lemagama lowasebentisile ekugcineni kwesifinyeto uwafake kubakaki.

**ITHEKSTHI C****EMASU EKUFUNDZELA KUPHASA**

Manyenti emasu lasebentako ekufundza nekutadisha kute umuntfu aphumelele etifundvweni takhe. Nankha-ke lamanye emasu lesingawasebentisa kute siphumelele etifundvweni tetfu. Tetayete kutsi ubukane netincwadzi ngesikhatsi lesifanako malanga onkhe. Nangabe kufanele kutsi ucale kufundza ngensimbi yesitfupha ntsambama, zama kukwenta loko tinsuku tonkhe.

Kabalulekile kuba ngumuntfu lotekhutako ngaso sonkhe sikhatsi. Nangabe ufundza, tekhute ekusebentiseni makhalekhikhini, ngobe uyaphazamisa nangabe utadisha. Kungaba ncono kutsi uwuvale kuneckutsi ukhulumisane nebanganu bakho ucitse sikhatsi sakho ngekucoca ngema-WhatsApp kuneckutsi ubukane netifundvo takho.

Caphela bangani lababi labetele kutsi nitewucoca ngetintfo letinyenti letingakaphatselani nekufundza, lokufana nekucoca ngetintfombi letinhle, bafana lababukekako, bantfwana labampofu, labangagcoki kahle nangekucoca ngabothishela labasebentako kodvwa bangenayo imali.

Fundza kakhulu leto tifundvo letikunika bumatima. Fundza letifundvo onkhe malanga uphindze wente nemanotsi. Ungasebentisa emaphepha eminyaka leyedlulile.

Titfolele indzawo lete umsindvo, lepholile longete waphazamiseka kuyo. Esikhatsini lesinyenti akufundzeki endzaweni lenebantfu labanyenti. Loko kwenta kutsi wetayele kufundza uwedvwa ngobe nasekupheleni kwemnyaka utawubhala uwedvwa. Nangabe ufundza uwedvwa uba nelifuba lekufundza uphimisele ungesabi lutfo kutsi kuhona bantfu labatakuhleka.

Kabalulekile kubhala phasi konkhe lokufundzako ngendlela lefinyetiwe ngobe nangesikhatsi sekuhlolwa kuyawudzingeka kutsi imibuto yakho uyiphendvule ngekuyibhala phasi. Ngaso sonkhe sikhatsi hlala unelipeni neliphepha lekubhalela. Nangabe kuhona imibuto lemayelana naleso sifundvo lobukene naso yibhale phasi netimphephendvulo takhona. Loku kutakusita ubone kutsi ume kuphi ngobe ungachubeka utsi uyafundza kantsi uyatikhohlisa.

Cala kufundza kusenesikhatsi, loko kutawenta kutsi ungaahlali busuku bonkhe ufundza. Khumbula kutsi umtimba uyakudzinga kuphumula ngembikwekuyewubhala luhlolo. Kuyakusita kutsi ukhone kubuta bothishela imibuto longayivisisi kahle kusenesikhatsi, ungatitfoli sewubuta umuntfu longati lutfo lenihamba indlela yinye naye.

Nangabe utawulandzela letindlela lettingenhla, tingakusita kutsi uphumelele ngemalengiso, kodvwa konkhe loku kuya ngekutimisela. Khumbula, kubamba lettingelako.

[Itselfwe ephephandzabeni, iLanga lamhla ti-15 Inyoni Likhasi 12, 2015]

**SAMBA SESIGABA B:** 10

**SIGABA C: LUHLELO NEKUSETJENTISWA KWELULWIMI****UMBUTO 3: SIKHANGISI**

Fundza lesikhangisi lesingentasi bese uphendvula imibuto letawulandzela.

**ITHEKSTHI D**

GEZA EMATINYO  
NGEMIKHICITO YAKA-  
COLGATE





- I-Colgate yenta umlomo unukelele kahle.
- Inekhalisiyamu lecinisa ematinyo.
- Yenta ematinyo angaboli.
- Ngiyo kuphela leyenta bantfwana bahlale bajabulile.

[Itsetfwe ephephabukwini, i-Drum Magazine lamhla ti-24 Mabasa 2013]

- 3.1 Sitsini sihloko salesikhangisi? (1)
  - 3.2 Bhala **mcondvofana** waleigama lelidvwetjelwe kulomusho longentansi. Bhala imphendvulo kuphela.
- 'I-COLGATE yenta bantfwana bahlale bajabulile.' (1)

3.3 Khetsa YINYE imphendvulo. Shano kutsi letinhlavu letidvwetjelwe kulomusho longentasi tikuypipi imphambosi yesento?

'I-COLGATE inekhalisiyamu lecinisa ematinyo:

- A Impambosi yekwentela.
- B Impambosi yekwenteka.
- C Impambosi yekwentisia.
- D Impambosi yekwentisa.

(1)

3.4 Nguyiphi inkhulomo lehhungako kulesikhangisi lesingenhla? (1)

3.5 Nguyiphi inkhulomo letsatsa luulangotsi kulesikhangisi lesingenhla? Usho ngani? (2)

3.6 Bhala KUBILI lokukulesikhangisi lokungenta batsengi batsenge imikhicito yaka-COLGATE? (2)


3.7 Lokhangisako usebentise liphi lisu lekudvonsa batsengi labasekudzeni nesikhangisi? (2)

[10]

#### **UMBUTO 4: IKHATHUNI**

Fundza lekhathuni bese uphendvula imibuto letawulandzela.

#### **ITHEKSTHI E**



[Itsetfwe ku [www.cartoons.org.za](http://www.cartoons.org.za)]

- 4.1 Sebentisa libitomfakela lelikulekhathuni emshweni. Lidvwebele. (1)
- 4.2 Khetsa YINYE imphendvulo. Shano kutsi lesisho lesidvwetjelwe EFREYIMINI YE-2 shiso kutsini.
- A Kuva bantfu batihhemela.  
 B Kuva bantfu batihlekela.  
 C Kuva bantfu baticocela.  
 D Kuva bantfu bamemeta. (1)
- 4.3 Bhala mcondvophika waleigama lelidvwetjelwe kulomusho longentasi.  
 'Ungangitjeli kutsi sitsenge siphо lesidulile.' (1)
- 4.4 Lungisa leligama lelikubakaki libe Siswati lesemuukelekile.  
 'Bomakhelwane bona abayi (emicimbi) yalapha ekhaya.' (1)
- 4.5 Tsatsa lesabito selucobo lesidvwetjelwe kulomusho longentasi bese usisebentisa emshweni sibe yinhloko yemusho.  
 'Bomakhelwane bona abayihambeli imicimbi.' (2)
- 4.6 Bhala lomusho longentasi uvete bunyenti.  
 'Asitsenge siphо lesidulile.' (2)
- 4.7 Tsatsa leligama lelidvwetjelwe kulomusho longetasi uvete umcondvo lowehlukile kunalowo lokuletheksthi.  
sibindzi sabo ngiyasesaba. (2)

[10]

**UMBUTO 5: IPHROZI**

- 5.1 Fundza letheksthi lelandzelako bese uphendvula imibuto letawulandzela.

**ITHEKSTHI F****EMANTI AYIMPHILO**

Live laseNingizimu Afrika alinawo emanti ngalokwanele. Linani lebantfu lisengemamiliyon la 43 kantsi linyenti labo aliwatfoli emanti ngalokwanele. Tidzingo temanti tihlala tikhule njalo kantsi lamanye emanti aphephuka nemoya.

Konkhe loku kubanga tinkinga temanti eveni laktsi. Umuntfu angatibuta kutsi ngabe bantfu bayabona yini kutsi inkinga yemanti ingakanani eveni laktsi. Bayatihlupha yini ngekutsatsa tinyatselo tekonga emanti? Bayawayekela emanti aphume agelete agcwale umgwaco.

Ngumsebenti wetfu sonkhe kutsi sitsatse sincumo sekunakekela emanti etimeni lesitifola sikuto njengasemakhaya, emisebentini nasemimangweni lesihlala kuwo. Kungumsebenti wetfu kutsi sinakekele emanti kute sibalekele inkinga yawo esikhatsini lesitako. Umuntfu lotawutfolakala asebentisa emanti kabi akajeziswe.

Akube ngumsebenti wenu nonkhe kutsi nitfole tindlela tekonga emanti njengobe ayinfo lebalulekile'. Kusho sodolobha. Kumele sinakekele simo lesinjengasemakhaya sekuswelalakala kwemanti.

[Itsetfwe ku *Vulemehlo* Libanga-8 Likhasi 97–98.]

- 5.1.1 Lungisa lomusho lolandzelako ngekufaka luphawu lolufanele.  
 Linani lebantfu lisesengemamiliyoni la 43. (1)
- 5.1.2 Sinongo sini senkhulomo lesidvwetjelwe kulomusho longentasi?  
 Kumele sinakekele simo lesinjengasemakhaya. (1)
- 5.1.3 Khokha sandziso sesimo kulomusho longentasi.  
 'Umuntfu lotawutfolakala asebentisa emanti kabi akajeziswe.' (1)
- 5.1.4 Nciphisa leligama lelidvwetjelwe kulomusho longentasi.  
 'Bantfu bayabona yini kutsi inkinga yemanti ingakanani eveni lakubo?' (1)
- 5.1.5 Bhala lemisho lelandzelako ulungise emagama lafakwe kubakaki.  
 (a) Sive sakitsi (-tsandza) konga emanti. (1)  
 (b) Bantfu labasebentisa emanti kabi (-jeziswa) nguhulumende. (1)
- 5.1.6 Shano kutsi lemisho lelandzelako icuketse tiphi tindlela tesento.  
 (a) Tidzingo temanti tikhula njalo. (1)  
 (b) Bayawayekela emanti aphume, agelete agcwale umgwaco. (1)
- 5.1.7 Kulomusho longentasi kusetjentiswe ligama lelidvwetjelwe, takhele umusho wakho ngalo.  
'Konkhe loku kubanga tinkinga temanti eveni lakitsi.' (2)
- 5.1.8 Bhala lomusho lolandzelako ube sesikhatsini lesengca, ngekulandzela emagama ladvwetjelwe.  
 'Umuntfu lotawutfolakala asebentisa emanti kabi utawujeziswa.' (2)


5.1.9 Cala lomusho lolandzelako ngekutsi, Sodolobha utsi ...

'Akube ngumsebenti wenu kutsi nonge emanti.' (2)

## 5.2 SITFOMBE

Fundza lesibonwa lesilandzelako bese uphendvula imibuto letawulandzela.

### ITHEKSTHI G



[Itsetfwe kuBona Indlovana 2015, Likhasi 12]

5.2.1 Khetsa YINYE indlela yekufinyeta leligama lelitsi: 'dokotela' lelisetjentiswe EFREYIMINI YE-2.

- A dkt.
- B dKt.
- C DKT.
- D Dkt.

(1)

- 5.2.2 Khokha buniyo lobusetjentiswe EFREYIMINI YE-5. (1)
- 5.2.3 Khipha ligama lelikhombisa luvelo lelitfolakala EFREYIMINI YE-1. (1)
- 5.2.4 Bhala ligama lelikhomba kuvuma EFREYIMINI YE-4. (1)
- 5.2.5 Bhala MABILI emagama latibonelo tetitselo. (2)  
**[20]**

**SAMBA SESIGABA C:** 40  
**SAMBA SAKO KONKHE:** 80